

SLUŽBENI GLASNIK

BRČKO DISTRIKTA

BOSNE I HERCEGOVINE

Godina XIX – Broj 49

Četvrtak, 1. novembar 2018. godine
BRČKO

Bosanski jezik

566

Na osnovu člana 31 stava 1 tačke n) Poslovnika o radu Skupštine Brčko distrikta BiH (Službeni glasnik Brčko distrikta BiH, brojevi: 17/08, 20/10, 4/13 i 31/13), donosim

ODLUKU O PROGLAŠENJU ZAKONA O IZMJENAMA ZAKONA O VLADI BRČKO DISTRIKTA BOSNE I HERCEGOVINE

Član 1

Proglašavam Zakon o izmjenama Zakona o Vladi Brčko distrikta Bosne i Hercegovine, koji je usvojila Skupština Brčko distrikta BiH na 35. redovnoj sjednici održanoj 30. oktobra 2018. godine.

Član 2

Ova odluka bit će objavljena u Službenom glasniku Brčko distrikta BiH.

Broj: 01.1-02-51/18
Brčko, 30. 10. 2018. godine

**PREDSJEDNIK
SKUPŠTINE BRČKO DISTRIKTA BiH**
Esed Kadrić, s. r.

Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), Skupština Brčko distrikta BiH na 35. redovnoj sjednici održanoj 30. oktobra 2018. godine, usvaja

ZAKON O IZMJENAMA ZAKONA O VLADI BRČKO DISTRIKTA BOSNE I HERCEGOVINE

Član 1

U Zakonu o Vladi Brčko distrikta Bosne i Hercegovine – prečišćeni tekst (Službeni glasnik Brčko distrikta Bosne i Hercegovine, broj: 22/18), u članu 29, stavu 1 riječi: „kojom se oglašavaju krivim“ mijenjaju se i glase „kojom im je izrečena kazna zatvora u trajanju dužem od šest mjeseci“.

Član 2

Članovi 35a i 35b se brišu.

Član 3

Ovaj zakon stupa na snagu osmog dana od dana objavljivanja u Službenom glasniku Brčko distrikta Bosne i Hercegovine.

Broj: 01-02-461/18
Brčko, 30. 10. 2018. godine

**PREDSJEDNIK
SKUPŠTINE BRČKO DISTRIKTA BiH**
Esed Kadrić, s. r.

567

Na osnovu člana 31 stava 1 tačke n) Poslovnika o radu Skupštine Brčko distrikta BiH (Službeni glasnik Brčko distrikta BiH, brojevi: 17/08, 20/10, 4/13 i 31/13), donosim

ODLUKU O PROGLAŠENJU ZAKONA O IZMJENI I DOPUNI IZBORNOG ZAKONA BRČKO DISTRIKTA BOSNE I HERCEGOVINE

Član 1

Proglašavam Zakon o izmjeni i dopuni Izbornog zakona Brčko distrikta Bosne i Hercegovine, koji je usvojila Skupština Brčko distrikta BiH na 35. redovnoj sjednici održanoj 30. oktobra 2018. godine.

Član 2

Ova odluka bit će objavljena u Službenom glasniku Brčko distrikta BiH.

Broj: 01.1-02-53/18
Brčko, 30. 10. 2018. godine

**PREDSJEDNIK
SKUPŠTINE BRČKO DISTRIKTA BiH**
Esed Kadrić, s. r.

Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), Skupština Brčko distrikta BiH na 35. redovnoj sjednici održanoj 30. oktobra 2018. godine, usvaja

ZAKON O IZMJENI I DOPUNI IZBORNOG ZAKONA BRČKO DISTRIKTA BOSNE I HERCEGOVINE

Član 1

U članu 1.1 Izbornog zakona Brčko distrikta Bosne i Hercegovine (Službeni glasnik Brčko distrikta Bosne i Hercegovine, brojevi: 17/08 i 43/08), mijenja se stav 1, koji sada glasi:

„(1) Izbornim zakonom Brčko distrikta Bosne i Hercegovine uređuju se izbor zastupnika u Skupštinu Brčko distrikta Bosne i Hercegovine (u daljnjem tekstu: Skupština Distrikta), organi nadležni za provođenje izbora na području Brčko distrikta Bosne i Hercegovine, izbor, imenovanje, sastav, način odlučivanja i nadležnost Izborne komisije Brčko distrikta Bosne i Hercegovine, zapošljavanje u Izornoj komisiji Brčko

distrikta Bosne i Hercegovine i ostala pitanja koja se odnose na provođenje izbora na području Brčko distrikta Bosne i Hercegovine."

Član 2

Iza člana 2.2 dodaje se novi član 2.2a koji glasi:

„Član 2.2a

(1) Izborna komisija Distrikta ima zaposlene koji obavljaju stručne poslove, te pružaju administrativnu i tehničku pomoć u radu Izborne komisije Distrikta i omogućavaju redovno i nesmetano djelovanje Izborne komisije Distrikta.

(2) Zapošljavanje u Izornoj komisiji Distrikta vrši se u skladu sa Statutom i zakonima Distrikta, na osnovu profesionalnih sposobnosti putem javnog konkursa i odražava sastav stanovništva, a na način i po postupku propisanim za zapošljavanje u Stručnoj službi Skupštine Distrikta.

(3) Na zaposlene iz stava 1 ovog člana primjenjuju se propisi koji se odnose na državne službenike i namještenike Skupštine Distrikta.

(4) Pravilnikom o sistematizaciji radnih mjesta Skupštine Distrikta utvrđuju se radna mjesta i opis poslova, broj službenika i namještenika, uslovi u pogledu stručne spreme i ostali uslovi za obavljanje poslova, broj službenika i namještenika, platni razred radnog mjesta i ostala pitanja vezana za zaposlene iz stava 1 ovog člana.

(5) Nakon procedure sprovedene u skladu sa stavom 2 ovog člana, akt o zasnivanju radnog odnosa potpisuje predsjednik Izborne komisije Distrikta ili osoba koju on ovlasti.

(6) O pravima, obavezama i odgovornostima iz radnog odnosa za zaposlene iz stava 1 ovog člana odlučuje predsjednik Izborne komisije Distrikta ili osoba koju on ovlasti.

(7) Zaposleni u Izornoj komisiji ne mogu biti članovi Izborne komisije."

Član 3

Ovaj zakon stupa na snagu prvog narednog dana od dana objavljivanja u Službenom glasniku Brčko distrikta BiH.

Broj: 01-02-463/18
Brčko, 30. 10. 2018. godine

**PREDSJEDNIK
SKUPŠTINE BRČKO DISTRIKTA BiH**
Esed Kadrić, s. r.

568

Na osnovu člana 76 Poslovnika o radu Skupštine Brčko distrikta BiH (Službeni glasnik Brčko distrikta BiH, brojevi 17/08, 20/10, 4/13 i 31/13) i Prijedloga grupe poslanika u Skupštini Brčko distrikta BiH, Skupština Brčko distrikta BiH, na 35. redovnoj sjednici održanoj 30. oktobra 2018. godine, donosi

ODLUKU

Član 1

Prihvata se Prijedlog grupe poslanika u Skupštini Brčko distrikta BiH kao predlagača Nacrta zakona o izmjenama Zakona o Vladi Brčko distrikta Bosne i Hercegovine, da se isti razmatra u jednom čitanju po hitnom postupku.

Član 2

Ova odluka stupa na snagu danom donošenja i bit će objavljena u Službenom glasniku Brčko distrikta BiH.

Broj: 01-02-460/18
Brčko, 30. 10. 2018. godine

**PREDSJEDNIK
SKUPŠTINE BRČKO DISTRIKTA BiH**
Esed Kadrić, s. r.

569

Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), člana 9 Zakona o eksproprijaciji nekretnina u Brčko distriktu BiH – prečišćeni tekst (Službeni glasnik Brčko distrikta BiH, broj 18/18), člana 64 Poslovnika o radu Skupštine Brčko distrikta BiH

(Službeni glasnik Brčko distrikta BiH, brojevi 17/08, 20/10, 4/13 i 31/13) i Prijedloga odluke gradonačelnika Brčko distrikta BiH, broj: 22-001887/16, broj akta: 01.1-1141SM-036/18 od 3. 10. 2018. godine, Skupština Brčko distrikta BiH na 35. redovnoj sjednici održanoj 30. oktobra 2018. godine, donosi

ODLUKU

O UTVRĐIVANJU JAVNOG INTERESA

Član 1

Utvrđuje se da je izgradnja dionice puta u stambenom naselju „Brezik“ (Petrovića put) – I – faza u MZ Brezik, od javnog interesa za Brčko distrikt BiH, na zemljištu označenom kao katastarske parcele brojevi: 1918/2, 1917/2, 1917/3, 1217/3, 1917/4, 1217/2, 2026/1, 1220/5, 1220/4, 1916/10, 1916/9, 1916/11, 1916/12, 1916/13, 1221,7 1221/14, 1916/14, 1915/4, 1915/5, 1221/6, 1915/6, 1917/5, dio 2003, dio 2026/2 k. o. Brčko 2 (izlaganje), u Brčko distriktu BiH.

Član 2

Korisnik eksproprijacije nekretnina za izvođenje radova iz člana 1 ove odluke je Brčko distrikt BiH.

Član 3

Javni interes Brčko distrikta BiH iz člana 1 ove odluke utvrđuje se na osnovu Rješenja o lokacijskim uslovima broj: UP-I-22-000724/18, broj akta: 06-1155SC-004/18 od 26. 4. 2018. godine.

Član 4

Ova odluka stupa na snagu danom donošenja i objavit će se u Službenom glasniku Brčko distrikta BiH.

Broj: 01-02-466/18
Brčko, 30. 10. 2018. godine

**PREDSJEDNIK
SKUPŠTINE BRČKO DISTRIKTA BiH**
Esed Kadrić, s. r.

570

Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, brojevi 17/08, 20/10, 4/13 i 31/13), nakon razmatranja Godišnjeg izvještaja o radu JP „Radio Brčko“ d.o.o. Brčko distrikt BiH za 2017. godinu, Skupština Brčko distrikta BiH, na 35. redovnoj sjednici održanoj 30. oktobra 2018. godine, donosi

ODLUKU

O USVAJANJU GODIŠNJEG IZVJEŠTAJA O RADU JP „RADIO BRČKO“ D.O.O. BRČKO DISTRIKT BiH ZA 2017. GODINU

Član 1

Usvaja se Godišnji izvještaj o radu JP „Radio Brčko“ d.o.o. Brčko distrikt BiH za 2017. godinu.

Član 2

Godišnji izvještaj o radu JP „Radio Brčko“ d.o.o. Brčko distrikt BiH za 2017. godinu, broj: 01-131/18 od 4. 6. 2018. godine čini sastavni dio ove odluke.

Član 3

Ova odluka stupa na snagu danom donošenja i bit će objavljena u Službenom glasniku Brčko distrikta BiH.

Broj: 01-02-467/18
Brčko, 30. 10. 2018. godine

**PREDSJEDNIK
SKUPŠTINE BRČKO DISTRIKTA BiH**
Esed Kadrić, s. r.

571

Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), člana 14 Zakona o javnim preduzećima u Brčko distriktu Bosne i Hercegovine – prečišćeni tekst (Službeni glasnik Brčko distrikta